



საქართველოს გარემოს დაცვისა და სოფლის მეურნეობის სამინისტრო
MINISTRY OF ENVIRONMENTAL PROTECTION AND AGRICULTURE OF GEORGIA

სსიპ სურსათის ეროვნული სააგენტო
LEPL NATIONAL FOOD AGENCY

N 09/1357
28/02/2019

1357-09-2-201902281721



აკრედიტაციის ეროვნული საბჭოს დირექტორს

ბატონ მალხაზ ხარებავას

გაცნობებთ, რომ 2019 წლის ვეტერინარული სახელმწიფო კონტროლის პროგრამის ფარგლებში სურსათის ეროვნული სააგენტო აპირებს გამოაცხადოს სახელმწიფო ტენდერი ვეტერინარული პრეპარატების ლაბორატორიული კვლევის მომსახურების შეძენასთან დაკავშირებით. ბაზრის კვლევისას გამოიკვეთა, რომ აღნიშნულ ტენდერში მონაწილეობის სურვილი გამოთქვა ა(ა)იპ „ბიორაციონალური ტექნოლოგიების კვლევითი ცენტრი (BrTRC)“-ს საგამოცდო ლაბორატორიამ, რომელიც აკრედიტებულია აკრედიტაციის ცენტრის მიერ და მინიჭებული აქვს აკრედიტაციის ნომერი GAC-TL-0204.

აღნიშნულ ლაბორატორიის დამფუძნებლებთან და ინტერესთა კონფლიქტთან დაკავშირებით არსებობს გარკვეული კითხვები. კერძოდ, ა(ა)იპ „ბიორაციონალური ტექნოლოგიების კვლევითი ცენტრი“-ს საგამოცდო ლაბორატორიის დამფუძნებლები და მმართველობის უმაღლესი ორგანოს წევრები არიან შეზღუდული პასუხისმგებლობის საზოგადოება „კორონი“, შეზღუდული პასუხისმგებლობის საზოგადოება „როქი“, შეზღუდული პასუხისმგებლობის საზოგადოება „ბიოტექსი“, შეზღუდული პასუხისმგებლობის საზოგადოება „ლარკი“ და შეზღუდული პასუხისმგებლობის საზოგადოება „გეოქიმსინთეზი“, რომლების ნაწილი თავის მხრივ წარმოადგენენ ვეტერინარული პრეპარატების მსხვილ მწარმოებლებსა და იმპორტიორებს (მაგ. სულ რეგისტრირებული ვეტერინარული პრეპარატების დაახლოებით 14% შპს „ბიოტექსი“-ს მიერ არის რეგისტრირებული).

სახელმწიფო კონტროლის ფარგლებში სააგენტოს თანამშრომლებს მოუწევთ ვეტერინარული პრეპარატების (მათ შორის აღნიშნული ლაბორატორიის დამაარსებელი და მის მმართველობის უმაღლესი ორგანოს წევრებად შემავალი კომპანიების მიერ წარმოებული/იმპორტირებული, ასევე მათი კონკურენტი ფირმების მიერ წარმოებული თუ იმპორტირებული) ნიმუშების აღება და სახელმწიფო ტენდერში გამარჯვებულ ლაბორატორიაში გამოკვლევა.

ყოველივე ზემოთაღნიშნულიდან გამომდინარე გვსურს მოგმართოთ კითხვით თუ რამდენად დააკმაყოფილებს ა(ა)იპ „ბიორაციონალური ტექნოლოგიების კვლევითი ცენტრი

(BrTRC)“-ს საგამოცდო ლაბორატორია სსტ ისო/იეკ 17025:2017/2018-ის 4.1 პუნქტის (მიუკერძოებლობა) მოთხოვნებს, იმ შემთხვევაში თუ ის გაიმარჯვებს სახელმწიფო ტენდერში და მოუწევს სახელმწიფო კონტროლის ფარგლებში აღებული ნიმუშების კვლევა, მაშინ როდესაც, ვეტერინარული პრეპარატების მწარმოებელი კომპანიების მიერ დაფუძნებული ლაბორატორია მოახდენს თავისივე დაფუძნებული კომპანიების მიერ წარმოებული/იმპორტირებული და მათი კონკურენტი კომპანიების მიერ წარმოებული/იმპორტირებული ვეტერინარული პრეპარატების გამოკვლევას და შესაბამისად წვდომა ექნება სხვა კომპანიების მიერ წარმოებული და იმპორტირებული ვეტერინარული პრეპარატების ტექნიკურ დოკუმენტაციასთან (რომელიც წარმოადგენს კონფიდენციალურ ინფორმაციას).

პატივისცემით

გიორგი იაკობაშვილი



სააგენტოს უფროსი - მ.შ.

